

宋元明清書目題跋叢刊

十四
第 清
八 代
冊 卷

中華書局

影印說明

《開有益齋讀書志》六卷、《金石文字記》一卷、《讀書續志》一卷，清朱緒曾撰。緒曾字述之，江蘇江寧（今南京）人。其藏書處曰「開有益齋」。道光二年（一八二二）舉人，累官浙江孝豐、秀水知縣，台州府知府，卒於咸豐十年（一八六〇）。

朱緒曾係藏書名家，號稱一目十行，於書無所不覽，每遇秘籍，尤喜傳鈔；所居秦淮水榭，聚書十餘萬卷，官浙後，又獲鈔文瀾閣本，故所藏宋、元善本，多外間罕見者。咸豐三年（一八五三），太平軍攻陷江寧，其書大部燬於戰火，朱氏因取浙中旅次存書，日夕閱覽，掇其大旨，若考訂之詞，筆於別簡；其假自友朋者亦爲題記。咸豐十一年（一八六一），太平軍攻入浙江，朱氏存書及著述又皆散失，所著《開有益齋集》亦在其內。以後《集》中序跋部分又失而復得，並由其子朱桂模（字崇嶧）及劉壽曾、甘元煥等編次整理，題取今名。這就是光緒六年（一八八〇）刊刻的《讀書志》六卷、《金石文字記》一卷、《讀書續志》一卷。朱緒曾自云：「吾集與《甘泉鄉人稿》相類，無空言也。」光緒元年（一八七五）劉壽曾所作跋亦稱，朱氏所撰序跋「爲徵文考獻之資，旁涉校讎，亦多精審，方駕晁、陳，殆有過之」。

《藝風藏書記》八卷、《藝風藏書續記》八卷、《藝風藏書再續記》，清繆荃孫撰。荃孫字炎之，一字筱珊，晚號藝風，江蘇江陰人。光緒二年（一八七六）進士，授職編修。曾襄纂《順天府志》、《湖北通志》以及《清史稿》儒林、文苑、孝友、循吏、隱逸等傳，歷主南菁、鍾山、滌源、經心諸書院講席。一生研究文史，考證金石，搜集善本，校訂古籍，垂老不輟。一九一九年卒，享年七十六歲。

光緒二十六年（一九〇〇），繆氏鑒於京師變起，南中岌岌，知其盈箱溢篋，必不長爲己物，於是

就其所藏所見舊刻舊鈔、四庫未收之書、名家孤傳之稿，按籍編目，撰刻《藝風藏書記》八卷。十年後，繆氏先後游日本東京，觀書於寧波天一閣，並領江南、京師兩圖書館，於是又重循前例，於一九一二年撰刻《藏書續記》八卷。至於一九一三年以後所收之書，繆氏則撰有《藝風堂新收書目》稿，未及釐定刊刻，難免粗疏。一九四〇年，該稿本為燕京大學圖書館訪得，並由熊祈齡加以整理，定名《藝風藏書再續記》印行於世。誠如熊氏所云：「有此三記長存天壤間，其畢生所藏之書，展卷俱在，若指諸掌，即謂之書存可也。」

中華書局編輯部

影印說明

〔清〕朱緒曾撰

開有益齋讀書志

六卷

開有益齋金石文字記

一卷

開有益齋讀書續志

一卷

目錄

開有益齋讀書志 六卷 金石文字記 一卷 讀書續志 一卷…………… [清]朱緒曾撰 一

藝風藏書記 八卷 續記 八卷 再續記 一卷…………… [清]繆荃孫撰 一六三

開有益齋讀書志

俞樾署檢



光緒丙辰
秋金陵翁氏
趙古閣校

開有益齋讀書志序

曩與新仁鄧永績鴻勳館謁默深所同病
書之繁複及小說家言鄧此崇談音學旁
及字母余意與地嘗取所段魏君書而各
摭錄其所著其卷亦續借余歸金陵爲魏
刊所著海國番志也有二三年來訪鄧
君蓋其同鄉王夫之先生後裔也載書兩
大牘並夫之遺書云湘中寇警故來江東
謂余曰此得卿人書傳冠世在金陵起此
亦亦非福地也遲三日往訪之則已揚帆
去因與永績步回行咸不能正履益以書
不及舍爲病夫古人書不多又於簡故老

屋壞墻可藏度今書紙印何從秘之惟提
要爲寂佳爾賊氣急鄧患之別亦余竟爲
書累陷賊中雖尋行遁而一字不能携益
思書之次有所擇如采山者取其正餘雖
杞梓亦不顧沉海者期得驪珠其它蠶蠃
腹藁何足細羅哉光緒六年朱君崇嶧以
其尊甫述之書索序於余讀劉君恭甫叙
知寓目錄於跋尾蓋與余所云擇錄者名
異而實同因念道光中無冬夏日與述之
晤於文廟書攤及石渠閣諸處彼時殊不
念亂若有先知大相約爲學人關此精微
汾門則余與君書雖亡其糟粕而精華固

不浪也余與述之同爲歸安姚文僖所識
我居又相近嗜好相同故交爲契合焉時
光緒庚辰夏仲周里遇第汪士鐸序

序

三

開有益齋讀書志總目

經部 卷一

五經

四書

小學類

史部 卷二

正史

別史

奏議

傳記

讀書志 卷三

史鈔

載記

時令

史部 卷三

地理

山水

古迹

雜記

游紀

異域

職官

政書

目錄 附金石

子部 卷四

法家

醫家

天算

雜家

類書

小說

讀書志 卷五

道家

集部 卷五

別集

集部 卷六

總集

詩文評

金石文字記 附

開有益齋讀書志卷一目

經部

五經

厚齋易學

周易象義

易考

尚書考

毛詩類釋

韓氏三禮圖說

錢氏冬官補亡

春秋經左氏傳句解

春秋紀恩

左傳博議拾遺

穀梁傳明辨錄

管氏讀經筆記續筆記

四書

四書叢說

四書解細論

論語瑛質

四書拾義

小學類

元平水曹氏爾雅注
助字辨略

讀書志 卷目錄

四

開有益齋讀書志卷一

上元朱緒曾述之

厚齋易學

厚齋易學五十卷附錄二卷宋都昌馮椅撰宋馮去非傳云父椅著易書詩語孟輯說此易說輯自永樂大典輯注四卷專解象象輯傳二十卷以象象爲經十翼爲傳外傳十八卷以十翼爲經附先儒之說斷以己意惟改彖曰象曰易贊又改繫辭傳上下爲說卦上下從吳仁傑之說不盡可從至其廣徵博引實爲說易家之淵藪蜀人房審衡周易義海爲李衡所刪言易家精博無遺書志 卷一

踰是書矣坤黃裳作常云常文從巾下服也俗從衣作裳蒙再三黷讀則不告讀聲讀煩教涵亂之意王作漬屯般桓般步干反今磐槃皆轉注般桓回旋之貌邇如作賈賈張連反同也俗作邇師貞大人象在貞中以至正大公行師乃得吉而免咎子夏崔憬李鼎祚同揚雄以下作文一經无稱丈人者此必誤夫其行次且次且今作越起次或作越歆且或作起阻皆後人轉加旅喪其齊斧喪舊作得緣童僕得喪字相混故以喪爲得於下文意不相蒙王莽遣王尋屯洛陽將發亡其黃鉞其士房揚曰此經所謂喪其齊斧者也以此爲證齊應劭

云利也舊作資亦沿六二懷其資相亂子夏諸家並作齊今從之皆援據古義履否同人諸卦謂舊脫卦名補姤象勿用取下行女字自序謂受易於伯父黼此則黼之說也大典所輯易類多闕豫隨无妄大壯晉睽蹇中孚八卦獨此書不盡闕輯傳每卦分卦序卦義彖義象占諸目至爲精密其所采如馮當可李子思吳斗南李季辨蘭惠卿林慎微李仲永王逢郭立之毛伯玉呂與叔王介甫李仁父陸農師張舜文石守道李去非劉長民王景孟耿睢道程可久閻邱昕盧氏趙氏鄭舜舉劉氏鄭少梅胡翼之陸希聲薛氏李仲遠袁氏房氏之類

讀書志

卷一

原書多佚賴此以傳其附錄二卷專載先儒著述自古經周易緯子夏傳田何易以下皆洞悉源流引崇文總目中與書目多今所未見其崇文總目多可補闕本之闕全謝山鮎埼亭集云易甘棠正義梁任正一撰以爲六朝之書在孔氏正義前今此書引崇文總目周易甘棠正義三十卷五代梁任正一撰據孔穎達正義而申演其說正一爲陝州大都督可以糾全氏之謬矣

周易象義

丁易東周易象義永樂大典本十六卷闕豫隨无妄大壯睽蹇中孚七卦及乾晉後四爻張氏愛日精廬有殘

本自豐至未濟二卷余閱錢塘汪氏振綺堂書目有此書因假以校之汪氏本首行標易上經第一之一次行武陵丁易東象義各卷仿此乃宋本舊式也其書分易上經第一之一一之二下經二之一二之二象上傳一上傳二下傳一下傳二象上傳一上傳二下傳一下傳二文言五繫辭上傳六下傳七說卦八序卦九雜卦十凡爲十八卷丁氏云朱子本義文言傳在繫辭傳之後今以繫辭雜引諸卦爻辭而文言專論乾坤象象恐不合在繫辭後故從馮氏本繼於象傳下蓋朱子用呂伯恭所編丁氏依馮厚齋之序至馮氏依吳斗南以小象讀書志

卷一

三

頤大過坎離凡二十卦爻其彖象皆無所闕以永樂大典本互爲補足僅闕豫隨无妄三卦爻耳

易考

易考二卷續考二卷周易篇第萬載李榮陸撰首列定位圖序卦平較相錯相合右旋四圖雜卦歸乾圖據乾鑿度宓義作易周文增通八八之節轉序三百八十四爻以繫王命之瑞且史記司馬季主文王演三百八十四爻定爻辭文王作非周公雜卦末章八卦皆不對虞翻謂大過死象而兩體夬姤故次姤終夬言君子之決小人也更取項安世玩辭以證之莫陸取吳草廬說文莫山羊之義陸卽道也孟子言蹄跡之道更取金幼孜北征記野馬黃羊有道其寬其直過於人爲以證之於西河易小帖仲氏易時闢其謬續考乃未定之草不取先天後天依經名之爲定位圖出震圖篇第參取依費直本但逐卦先經後傳爲小異

尚書考

尚書考六卷尚書篇第二卷萬載李榮陸撰大抵攻古文尚書之僞謂爲王肅所造據魏志王肅云堯順考古道而行之僞孔亦云能順考古道而行之六宗四時寒暑日月水旱如此之類僞孔皆與王肅同辨毛西河古

文尚書冤詞湯詒襲周語單襄引先王之令曰天道賞善而罰淫句漢律厯志引伊訓有誕賚有牧方明句確爲古文所遺單襄公所稱先王卽文武非夏殷漢志引伊訓雜誕賚句史官據經作志伊訓引賈誼文改鳴條賈誼改孟子天誅造攻自牧官爲鳴條世紀前條陳留平邱縣鳴條亭是後條蒲州安邑縣鳴條陌非此好事者借稱非安太甲元年子月乙丑考辨偽書傳湯崩逾月太甲卽位改元之謬據竹書紀年小乙六年命世子武丁居於河學於甘盤武丁卽位命卿士甘盤辨偽書遁于荒野偽孔既學而中廢業遁居田野之非祖甲不義惟王謂鄭康成謂祖甲不義弟先兄立而逃可備史

讀書志

卷一

五

記所未備旅焚據馬融謂首豪鄭康成焚讀爲豪國人遣其酋豪之長來獻於周洪範皇極訓爲大中皆能推行古義世俘解徐氏天元厯伐殷年月考竹書書序史記伐殷年月考周公稱王辨四篇正陸象山主偽書傳疑聖各條俱詳核可據又謂君陳君雅篇名解謂君爽之文可例陳雅名也君者同官之相稱禮記述君陳之云爾有嘉謨嘉猷入告爾后於內女乃順之於外曰此謀此猷惟我君之德於乎是惟良顯哉斯道也臣子之引誠允矣自君出之幾乎忌克偽書不詳名篇之義綴之而乖其類誣矣哉說亦有理致陽鳥攸居申林栗之

義栗云古地名取諸鳥獸如虎牢犬邱左傳昭二十年公如死鳥鄭有鳴雁漢北邊有雁門皆以雁名申之云寰宇記奉新縣東三十里陽鳥橋連縣五橋相續橫截川渚村館俱以陽鳥名奉新正值彭蠡之西是雖未必然其佐證亦博矣篇第上卷則以伏生今文爲正其下卷以東晉晚出古文謂之補尚書洛詒錯簡不廢宋儒之說

毛詩類釋

毛詩類釋二十一卷續編三卷國子監祭酒顧棟高撰稱臣謹按者乃其進呈之本也蓋作於春秋大事表之後時已以經學授職故每卷結官銜稱臣謹按類釋分

讀書志

卷一

五

天文地理山水時令祭禮官職禮器樂器兵器農器宮室衣服草木鳥獸蟲魚車馬凡二十一類每類爲一卷於毛鄭陸璣孔疏朱傳無所偏主兼采鄭樵陸佃陳祥道嚴粲楊復許謙馬端臨張以謫馮應京何楷吳鼎程大昌及近人顧炎武閻若璩胡渭秦蕙田張玉書陳啟源姜兆錫楊椿楊銘敦各家之說解王風招我由房云北堂下另有北階與寢之阼階相接由房入寢蓋在此處楚茨詩樂具入奏蓋於廟祭畢燕諸父兄弟於內寢樂隨以入賢者不得志而仕於伶官所作朱子以爲編

人所作恐非此條申詩序乃顧氏自抒其見最爲精確其餘考證詳略互見於王質詩總問蔡十名物疏未及徵引蓋偶未見耳續編則專取爾雅釋詁釋言釋訓與詩相證然如悌悌發也髦士官也峻農夫也之類頗多遺漏此進呈之本錄入四庫余於文淵閣傳鈔得之衛風出衛于干飲饒于言毛鄭俱不詳其地王伯厚詩考云汴同濟禹貢東流爲汴東郡臨邑有汴廟稱韓詩作坻寰宇記大瀾溝在曹州冤句縣隋志邢州內邱縣有干言山李公緒曰柏人縣有干山言山柏人邢州堯山縣奎勳謂此衛女嫁邢者所作棟高謂邢衛同

讀書志

卷一

七

姓衛女無嫁邢理另有訂訖一書今未見至謂毛鄭不詳處所不必強爲之說

韓氏三禮圖說

三禮圖說二卷元甯德韓信同伯循撰首有延祐四年霍林陳尚德序云伯循注三禮竣事又取先儒圖說考訂異同今其注三禮不傳此書爲圖七十有七爲說四十有七自周九服王畿方千里至鄉飲酒二十九圖爲上卷自天子三朝周太學至統頃四十六圖爲下卷盧抱經錢辛楣補元藝文志皆不及此書乾隆庚子蒼璧齋主人何善述跋云爲高固齋兆所藏末識乙丑迄今

九十七年國初人所得明人鈔本也福鼎王遐春校梓有陳壽祺趙在翰序王學貞書後其考證此書得失詳矣三禮圖有鄭康成撰及阮譔夏侯張鑑梁正開皇官撰六家原書皆不傳惟聶崇義集注二十卷爲近古宋陳祥道禮書陸佃禮象殺然不用舊說楊甲六經圖林希逸考工記解楊復儀禮圖各自成家明劉績三禮圖則多用陳陸視聶圖爲土苴矣韓氏此圖如制國不過千乘以鄭注古者方十里其中六十四井出兵車一乘爲兵賦之法成國之賦千乘及周禮小司徒注引司馬遷以駁包氏陳用之百里出車千乘之非辨封域宗

讀書志

卷一

八

典命注公之城方九里伯七里子男五里之說謂公九章同王之冕周禮匠人營國方九里謂天子城也不從陳用之主天子城十二里之說皆精確可據謂書大傳十三入小學卽師保所掌虎門外學二十入太學卽庶子所掌尚非憑空臆造謂泮宮辟雍不以圓半爲名則與鄭箋辟雍者築土廡水水之外圓如璧泮之言半也半水者東西門以南通水北無水顯相違異韓氏旣駁鄭義辟雍泮水舍圓半竟不能圖其形此其陋也大抵說有利鈍瑕瑜不掩在覽者善擇之聶圖之後劉圖之前備一家焉

張彥遠歷代名書記三禮圖十卷阮譔等撰又十二卷隋文帝開皇二十年勅有司

撰左武候執旗侍官夏侯朗畫

錢氏冬官補亡

余於竹垞裔孫朱君聲遠家見錢氏冬官補亡三卷曝書亭藏本明詩綜詩人小傳亦載其說以爲在俞廷椿冬官補亡之上強補冬官錢氏據尚書大小戴記春秋內外傳余取之未敢以錢氏爲然其本諸國語者如司空則周官借他書以補惟工人匠師及月令工師舟牧左氏工正圻人其事尙與冬官相類至國語后稷農正司商舟虞甸人水師當屬地官火師當屬夏官周語舌人韋昭注象胥之官王制寄象狄觀譯則秋

讀書志

卷一

九

春秋經左氏傳句解

春秋經左氏傳句解七十卷宋林堯叟唐翁解首列杜預序爲之注次括例始末綱目六條宋紹興辛巳孟夏

穀旦龍圖閣直學士左朝奉大夫知軍州事魯人耿延禧書百順堂藏版此宋刻也經義考云明杭人王道焜始爲杜林合注道焜字昭平天啟辛酉舉人官兵部主事殉乙酉之難崇禎中書肆翻刻削去道焜名以道焜編書凡例改題堯叟致有春秋提要依大全錄之之語極爲紕繆然竹垞僅云句解四十卷亦未見七十卷足本也唐翁本隱四年經庚戌衛州吁殺其君完作戊申僖九年經晉侯詭諸卒作僖諸僖十八年傳而從師于

讀書志

卷一

十

王昭平合注傳世亦希坊肆本刪削不完且任意竄改割裂甚至以杜爲林以林爲杜兩家皆失其真好學者如取堯叟原書重刊行世亦斯文之未墜也

春秋紀愚

春秋紀愚十卷明金賢士希撰賢登宏治十五年進士授仁和知縣入爲兵科給事中出知大名府改延平府致仕進亞中大夫卒於家顧東橋爲作東園先生傳稱其少學易於吳公彥華於時晉江蔡氏著易說行海內乃與董生林輩推行傳授盡其精微乃歎曰聖人精蘊盡於易妙用見諸行事則在春秋遂取三傳及諸家說

研究異同發所未發著紀愚自序云有功或不錄有罪或見原齊桓違王志而令世子反或許之晉文承王命而背首止乃致譏焉晉厲弑於臣而書國蔡昭弑於臣而書殺晉昭微會欲示威也而或取其功吳師從蔡欲謀楚也而或進其爵桓公無王定公無正權衡獨裁於聖心是非不徇於眾見今觀其書詳於書法褒貶毅然立論亦尚無苛刻不情之弊東橋又稱其達於政事恆以王道不徇俗矜張以希近譽爲給事抗劉瑾勘淮安獄正知府某事明周給事之冤都御史有治軍無狀濫殺無辜者並見奏黜能以經術爲政事也金陵明代多讀書志

卷一

士

左傳博議拾遺

伯曾祖諱元英字師晦一字荔衣自號虹城子康熙己丑會試出安溪李文貞公門二甲第一名進士官編修力學砥行以朱子爲宗所著牧民通考治平新語治河要略皆散佚惟此左傳博議拾遺二卷僅存乾隆開采輯遺書獲入四庫全書存目然進本脫博議二字僅稱左傳拾遺非原本也緒曾搜訪先世遺書得公弟子戴太史瀚藏本闕末數葉後又得程徵君廷祚手錄與

戴本頗有異同即自序中字句亦有異戴程俱云左傳博議拾遺合兩本校之則程爲勝矣外間別有一本多圈點評語聞先兄魯門太常卿諱紹云爲王孝廉字所增加不足據此書根柢政事以史證經訓詁辨正必有根據季札觀樂爲之歌小雅曰美哉思而不貳怨而不言其周德之衰乎解衰字云差也次也九章算法謂差分爲衰分晉伯音之對王亦曰遲速衰序於是乎在抑季子所云其周德之次乎小雅爲周德之次猶大雅爲周德之廣也小雅者或天子以饗元侯或朝廷以燕嘉賓季子安得衰之此衰字不作盛衰解驟見之似爲創

卷一

士

論緒曾按杜元凱注思而不貳思文王之德無貳叛之心怨而不言有哀音衰小也據杜注以衰爲小即差次之義疏引服虔此歎變小雅以爲周德之衰微劉光伯是服而非杜然傳但云小雅不云變小雅若鹿鳴天保彤弓采芣諸篇安得云周室衰微近餘姚邵氏瑛云衰與寢同說文寢減也物漸微而漸少故訓爲小爾雅釋木舍人注小少也論語八佾皇侃疏小者不大也以證杜氏訓小之義孔冲遠謂魯爲季札歌詩不應揚先王之惡以示遠夷以專主變雅爲非然杜元凱謂有殷王餘俗故未大衰說亦迂曲不若此謂大雅爲周德之真